




特別
 13
 3412
 6



門 18
號 3412
卷 6

特

昭和五年一月十八日寄
近藤潤治郎氏贈



天馬來出月氏窟背為虎文龍翼骨嘶青雲振綠髮

蘭筋擢奇走滅沒

齊賢曰大月氏本居燉煌祁連間至冒頓單于攻破月氏冒頓卒子老上單于殺月氏王

以其頭為飲器月氏乃遠去大宛西擊大夏而臣之其最弱者不能

大宛馬虎脊魚目龍文鳳頸尾如蒲梢安驥書曰望之大就之小筋

馬也漢書天馬歌曰志成儻精權奇精白馬賦曰雄志周儻精權奇

焉又曰驅驚迅於滅沒伯樂曰天下之馬者若滅若沒若工若失相

璋書王贊曰漢西域贊孝武之世備稍龍文魚目汗血之馬充於黃

門列子伯樂曰良馬可以筋骨相也天下之騰崑崙歷西極四

足無一蹶齊賢曰漢郊祀志天馬來窮西極離騷曰朝發軔於天

從西極涉流沙九夷服天馬來歷無草徑千里循東道天馬

來開遠門竦子身漸崐崙天馬來龍之媒遊閭闔觀玉臺

刷燕晡秣越神行電邁躡慌惚

齊賢曰秣白馬賦曰日刷

馬江州毛詩言秣其馬杜預曰以粟飯馬曰秣王贊曰李尤七嘆曰

神奔電驅星流矢驚則莫若益野騰駒也褚白馬賦窮神行之軌躡

天馬呼飛龍趨目明長庚臆雙鳧尾如流星首渴烏

口噴紅光汗溝珠

齊賢曰屋注馬樂章曰今安匹龍為友楮白賦萬騎龍趨楚辭長庚以繼日長庚太白星也謂眼如長庚星有光耀安讓書曰雙鳧宵兩邊肉如鳧鳧間所開視之如雙鳧欲向上又曰頭宜少肉如剝兔頭口中色欲鮮明古欲方而傳長而大色如朱李蘭刻漏法曰以銅為渴鳥渴鳥猶剥兔云傳玄乘與馬賦曰頭似削成尾如植髮楮白馬賦曰膺門沫楮汗溝走血士贊曰楮白馬賦水軼驚是言頸項如鳧也後漢張讓趙忠說靈帝作翻車渴鳥施於橋西用灑南北郊路注曰翻車設機以引水渴鳥為曲筒氣按水上此用其字謂馬昂首如渴鳥之狀也伯樂相馬經曰膺門欲開汗溝欲深口中欲得赤此用

都逸氣稜稜凌九區

齊賢曰易曰時乘六龍以御天馬衡表曰龍躍天衢王逸曰韁在口為轡絡在頭為羈曹子建白馬篇曰白馬飾金羈說文曰羈絡頭古日出東門行曰黃金絡馬頭楮白馬賦曰兩權協月相馬經曰權頰權欲滿如月蕪城賦稜稜霜氣士贊曰易曰何天之衢亨梁元帝紫駟馬詩金絡飾連綫楮白馬賦初變之態既畢凌凌之氣方厲又聲九區而率順

覺爾輩愚

齊賢曰劉邵趙都賦曰良馬則飛兔矣斯常騶紫燕西京雜記曰文帝有良馬九匹一名飛燕騶士贊曰尸子曰我得民而治則馬有紫燕蘭他楮

天馬奔騶君軒駮躍驚

矯浮雲翻

齊賢曰漢武紀李廣利斬大宛王獲汗血馬作西極天馬之歌應劭曰大宛舊有天馬種前肩膊出汗如血又云陸注水出天馬魏志曰駑馬騶稜豆疎荀勇切鮑明遠東武吟曰瘦馬戀君軒士贊曰漢天馬歌曰箭浮雲方掩上馳

足躑躅遙瞻閭闔門

齊賢曰司馬紹統詩曰無劍起躑躅說文不逢寒風子誰採逸景孫白雲

在青天丘陵遠崔嵬

齊賢曰司馬紹統詩曰無劍起躑躅說文躑躅住足也躑躅與踟躕同天馬樂章曰游閭闔觀玉臺士贊曰仙傳拾遺周穆王乘八駿之馬觴西王母於瑤池之上王母謠曰白雲在天道里悠遠山川間之將子無死尚能復來易山川丘陵也詩維山崔嵬穆天子傳西王母謠曰白雲在天丘陵自出

鹽車上峻坂倒行逆

齊賢曰戰國策騏驥之齒長服而不可進伯樂遭之下車攀而哭之解絃衣以幕之騏驥於是俛而噴仰而鳴見伯樂之知已也伍子胥曰吾日暮途遠故倒行而逆施

施畏日晚伯樂翦拂中道遺

齊賢曰戰國策騏驥之齒長服而不可進伯樂遭之下車攀而哭之解絃衣以幕之騏驥於是俛而噴仰而鳴見伯樂之知已也伍子胥曰吾日暮途遠故倒行而逆施

少盡其力老棄之願逢田子方惻然

齊賢曰韓詩外傳田子方出見老馬於道問其御曰此何馬也曰公家畜也疲而不用故出之子方喟然歎曰少盡其力老棄其身仁者不為束帛贖之窮士聞之知所歸心焉

為我悲

齊賢曰韓詩外傳田子方出見老馬於道問其御曰此何馬也曰公家畜也疲而不用故出之子方喟然歎曰少盡其力老棄其身仁者不為束帛贖之窮士聞之知所歸心焉

雖有玉山禾不能療苦飢

齊賢曰韓詩外傳田子方出見老馬於道問其御曰此何馬也曰公家畜也疲而不用故出之子方喟然歎曰少盡其力老棄其身仁者不為束帛贖之窮士聞之知所歸心焉

曰七命曰大梁之黍瓊山之禾李善注瓊山即崑崙山崑崙山上海經曰崑崙山上有木禾長五尋大五圍士贊曰鮑照詩誠不及青鳥遠食玉賜中常苦飢

嚴霜五月凋桂枝伏櫪街寬摧兩眉請

君贖獻穆天子猶堪弄影舞瑤池齊賢曰莊子伯樂曰我善教馬編之卓棧司馬

彪音義曰棧櫪也早也若櫪林施之濕地史記造父取桃林驂騮騶駼獻之穆王使造父為御西巡狩見王母於瑤池之上士贊曰沈約詩秋風生桂枝魏武帝云老驥伏櫪志在千里列子周穆王命駕八駿之乘遂宿于西王母觴于瑤池之上鮑照舞鶴賦疊霜毛而弄影振玉羽而臨霞朝戲於芝田夕飲乎瑤池此篇蓋為逸羣絕倫之士不遇知己者嘆亦自傷其不用於世而求知於人也歟

行路難齊賢曰晉山松傳舊歌有行路難曲詞頗踈實山松好之乃文其辭句婉其節制每因酣醉縱歌之聽者莫不流涕士贊曰行路難者古樂府道路六曲之一亦有變行路難

金樽清酒斗十千玉盤珍羞直萬錢齊賢曰曹子建詩美酒十千漢明帝以一盃不能使薄酒更厚謝靈運詩金樽盈清醕詩云清酒百盃張衡詩何以贈之雙玉盤南都賦珍羞琅玕充溢圓方

停杯投筋不能食拔劍四顧心茫然齊賢曰古詩四顧心茫然士贊曰鮑照詩拔劍不能食擊柱長嘆然息列子子貢茫然自失莊子目眩然無見色若死灰世說衛洗馬

初渡江云見此茫然欲渡黃河冰塞川將登吳太行雲滿山

不覺百端交集也

閑來垂釣碧溪上忽復乘舟夢日邊齊賢曰黃何至冬寒即凍徹底九域志太行在懷州澤州歐陽堅石詩不上太行險誰知斯路難晉明帝曰只聞人自長安來不聞人自日邊來後人遂以日邊為帝都士贊曰鮑照舞鶴賦冰塞長川雪滿群山

行路難行路難多歧路今安在齊賢曰列子羊既率其多歧立羊學者以多方喪生士贊曰列子揚子之鄰人亡羊既率其黨又請揚子之豎追之揚子曰嘻亡一羊何追者之眾鄰人曰多歧路既反問獲羊乎曰亡之矣曰奚亡之曰岐路之中又有岐焉吾不知所以反也揚子戚然變容者移時不笑者竟日鮑照詩壯士皆死盡餘人

長風破浪會有時直掛雲帆濟滄海齊賢曰南史宗慤傳願乘安在哉

長風破萬里浪士贊曰古詩菟絲生有時夫婦會有宜海賦掛帆席馬融廣成頌然後方餘皇連舳舟張雲帆施蜺幃成公綏嘯賦浮滄海以游志

其二

大道如青天我獨不得出羞逐長安社中兒赤雞白

狗賭梨栗彈劍作歌奏苦聲曳裾王門不稱情齊賢曰杜預左

傳注曰二十五家社九城志京兆府治長安萬年一縣南都賦侯桃
梨栗史記馮驩彈其劍而歌曰彈鋏歸來兮食無魚鄒陽曰飾固陋
之心則何王之門
淮陰市井笑韓信漢朝公卿忌賈生
曰史韓信淮陰人淮陰少年侮信曰若雖長大好帶劍法耳衆辱信
曰能死刺我不能出胯下信熟視後出胯下一市皆笑信以為法同
馬彪曰九夫為井井有市鮑明遠詩營營市井人漢書天子議以誼
任公卿之位絳灌之屬盡害之士贊曰史賈生名誼文帝召為博士
是時賈生最年少每詔令議下諸老先生不能言賈生盡為之對諸
律令所更定及列侯悉就國其說皆自賈生發之於是天子議以賈
生任公卿之位絳灌東陽侯馮故之屬盡害之乃短賈生曰洛陽之
人最年少初學專欲擅權權紛亂諸事於是天子後亦疏之不用其議
乃以賈生為
長沙王大傳君不見昔時燕家重郭隗擁篲折節無嫌
猜劇辛樂毅感恩分輸肝剖膽效英才昭王白骨縈
爛草誰人更掃黃金臺行路難歸去來
齊賢曰史記燕
昭王謂郭隗曰
齊因孤國亂而襲破燕誠得賢士以共國以雪先王之恥孤之願也
隗曰王必欲致士先從隗始賢於隗者豈遠千里哉於是昭王為隗
改築宮而師事之樂毅自魏往鄒衍自齊往劇辛自趙往街既如燕
昭王擁篲先驅請列弟子之座而受業江文通恨賦試望平原蔓草
縈骨上谷圖經曰黃金臺在易水南十八里古有行路難詩陶潛有
歸去來辭士贊曰鮑照詩時起黃金臺李善引王隱晉書曰段匹碑

討石勒進屯故安縣故燕太子丹金
臺鮑照詩明慮自天斷不受外嫌猜

其三

有耳莫洗潁川水有口莫食首陽薇
齊賢曰琴操堯大許
由之志禪為天子由
以其不善乃臨河而洗耳逸士傳曰堯遜天下於許由由逃之巢父
聞而洗耳於河濱史記伯夷叔齊孤竹君之二子武王伐紂伯夷叔
齊叩馬諫武王平商伯夷叔齊義不食周粟隱於首陽山采薇而食
之馬融曰首陽山在河東蒲坂華山之北何曲之中詩曰山有廣微
士贊曰巢父洗耳
事見前卷詩註
舍光混世貴無名何用孤高比雲月
士贊曰選蔡邕撰陳太丘碑文舍光醇德為士作程程
子玉坐右銘曰賤賤內舍光老子曰無名天地之始
吾觀自古
賢達人功成不退皆殞身
齊賢曰史記蔡澤說應侯曰四時
之序成功者去商君為秦孝公明
法令禁奸立威諸侯成秦國之業功已成矣而遂以車裂楚地數於
千里持戟百萬白起一戰舉鄢郢以燒夷陵再戰并蜀漢又越韓魏
攻強趙坑馬服功成矣而賜劍死於杜郵吳起為楚悼王立法甲滅
大臣之威重罷無能廢無用南收楊越北并陳蔡破橫散從功已成
矣而卒被解大夫種為越王深謀遠計以士為有因辱為祭報夫差
之讎卒擒勁吳越成霸功已彰而信矣勾踐終負而殺之此四子者
功成不去禍至於此士贊曰陶潛詩曰賢達
無柰何老子曰功成名遂身退天之道也
子齊既棄吳江上

屈原終投湘水濱

齊賢曰五子胥諫王釋齊而先越太宰嚭受

抉吾眼懸吳東門以觀越之滅吳乃自剄王聞之怒取子胥尸盛以
賦夷華俘之江中應劭曰鳴夷槥形以馬革為之屈原見上士贊曰
史屈原名平令尹子蘭使上官大夫短屈原於頃襄王王怒而遷之
屈原至江濱被髮行吟澤畔顏色憔悴形容枯槁於是懷石自投汨
羅以

詎可聞上蔡蒼鷹何足道

齊賢曰晉陸機字士衡有異才成

王父假機後將軍河北大都督北中郎將長沙王又奉天子與機戰
於鹿苑機軍大敗宦人孟玖譖機於穎穎怒使牽秀密收機機神色
自若既而嘆曰華亭鶴唳豈可復聞乎遂遇害史李斯楚上蔡人西
說秦王為丞相長男由為三川守諸男皆尚秦公主女悉嫁秦諸公
子三川守由告歸咸陽李斯置酒於家百官長皆前為壽門庭車騎
以千數李斯喟然歎曰嗟乎吾聞之荀卿曰物禁大盛夫斯乃上蔡
布衣間巷之黔首上不知其驚下遂擢至此當今大臣之位無居臣
上者可謂富貴極矣物極則衰吾未知所稅駕也及二世元年具
五刑論腰斬咸陽市斯出獄與其子俱執頭謂其中子曰吾欲與
若復牽黃犬俱出上蔡東門逐狡兔豈可得乎遂父子相哭而更三
族韓子曰衛靈公至濮水之
上稅舍而牧李軌曰稅舍也

風忽憶江東行且樂生前一杯酒何須身後千載名

君不見吳中張翰稱達生秋

齊賢曰晉書張翰字季鷹吳郡人有清才善屬文而任縱不拘時人
號為江東步兵齊王囹辟為大司馬東曹掾因時執權翰謂同郡顧
榮語欲求去意榮執其手愴然曰吾亦與子採南山蕨飲三江水耳
翰因見秋風起乃思吳中菰菜蓴羹鱸魚膾曰人生貴得適志何能
羈宦數千里外以要名爵乎遂命駕而歸俄而四敗人皆謂之見機
翰任心自適不求當世或謂之曰卿乃可縱適一時獨不為身後名
邪答曰使我有身後名不如
即時一杯酒時人貴其曠達

長相思

士贊曰樂府怨思二十

長相思在長安絡緯秋啼金井闌微霜淒淒簾色寒

孤燈不明思欲絕卷帷望月空長嘆美人如花隔雲

端

齊賢曰張平子四愁詩我所思兮在大山炙轂子曰絡緯莎雞古

今注曰促織一名絡緯以其鳴如紡績織緯也戴延之西征記曰

大極殿上有金井闌金博山鹿盧蛟龍負山於井上詩云有美一人

士贊曰晉書樂志曰後園鑿井銀作床銀床井闌也曹植詩盛年處

房室中夜起長嘆枚乘詩美人在雲端宋

玉神女賦美貌橫生燿乎如花温乎如瑩

上有青冥之長天下

有淶水之波瀾

齊賢曰楚辭據青冥而撫虹兮遂倏忽而捫天

選王儉文集序勛以丹青之價弘以青冥之

期注青冥雲也何晏景福殿賦淶水浩浩

天長路遠竟飛苦

夢魂不到關山難長相思摧心肝

齊賢曰蔡琰胡笳曲關山阻修方行路難歐陽

建詩曰痛哭摧心肝王贊曰張衡思文賦天長地遠歲不留選古詩路遠莫致之韓非子六國時張敏與高惠為友每相思不能得見敏於夢中往但行至半路即迷不知路遂回如此者三古歌曰大憂摧人肺肝心

上留田行

王僧虔技錄曰上留田行者相和歌也崔豹古今注曰上留田曲

行至上留田孤墳何崢嶸積此萬古恨春草不復生

悲風四邊來腸斷白楊聲

齊賢曰古今注曰上留田地名也其地人有父母死不字其孤弟者

隣人為其弟作悲歌以諷其兄故曰上留田古詩白楊多悲風蕭蕭愁殺人王贊曰何遜詩行路一孤墳路成墳已毀崢嶸高貌梁簡文帝文千齡俱盡萬古誰留江淹詩曰行子腸斷

借問誰家地埋沒蒿里瑩古老向

齊賢曰七哀詩借問誰家墳顏師古曰死

注田橫門人蒿里歌曰蒿里誰家地聚斂精鬼無賢愚諸葛亮梁甫吟步出齊東門遙望陽陰里里中有三墳累累正相似問是誰家墳田疆古

逢科馬鬣今已平昔之弟死兄不葬他人於此

舉銘旌

齊賢曰禮記孔子之喪有自燕來觀者舍於子夏氏子夏曰吾見封之若堂者矣見若防者矣見若覆夏屋者矣見若斧者矣馬鬣封之謂也檀弓曰銘者旌也以死者為不可別已故以其旌識之

死百鳥鳴一獸走百獸驚桓山之禽別離苦欲去迴

齊賢曰高誘呂氏春秋注曰征飛也士贊曰禮記三年

翔不能征

齊賢曰高誘呂氏春秋注曰征飛也士贊曰禮記三年

不知愛其類今是大鳥獸則失喪其羣匹越月踰時焉則必反巡過其故鄉翔回焉鳴號焉踟躕焉踟躕焉然後乃能去之小者至於燕雀猶有啜唯之頃焉然後乃能去之故有血氣之屬者莫知於人故人之於其親也至死不窮將由夫患邪淫之人與則彼朝死而夕忘之然而從之則是曾鳥獸之不若也夫焉能相與羣居而不亂乎後漢書地理志永昌郡比蘇棋榆註云廣志曰有弔鳥山縣西北八十里在阜山家鳥千百羣共會鳴呼啜嘶每歲十月八日晦望至集六日則止歲九六至雉雀來弔特悲其方人夜然火伺取無索不食者以為義鳥則不取也俗言鳳凰死於此山故衆鳥來弔劉向說死孔子晨立堂上聞哭者聲音甚悲孔子援琴而鼓之其音同也孔子出而弟子有叱者問誰也曰回也孔子曰回何為而叱回曰今者有哭者其音甚悲非獨哭死又哭生離者孔子曰何以知之回曰似完山之鳥孔子曰何如回曰完山之鳥生四子羽翼已成乃離四海哀鳴送之為是性而不返也孔子使人問哭者哭者曰父死家貧賣子以

葬之將與其別也。孔子曰：善哉！聖人也。田氏倉卒骨肉分，青天白日摧紫荆。

交柯之木本同形，東枝顛顛西枝榮。無心之物尚如

此，參商胡乃尋天兵。

齊賢曰：續齊諧記：京兆人田真兄弟三人，共分財，各居一室，堂前有一株紫荆，花甚茂，共議破為三，待明截之，忽一夕樹枯，死，真見之，驚謂諸弟曰：本同株，當分析，便憔悴，况人兄弟，孔懷而可離，是人不如樹木也。兄弟相感，而更合交柯之木，出岷山，安都縣兩樹對生，一樹枯則一樹生，如是，歲更不俱生，俱枯也。左昭公元年，晉侯有疾，鄭伯使公孫僑如晉聘，且問疾，叔向問焉，曰：寡君之疾病，卜人曰：實沈臺駘為祟，史莫之知，敢問此何神也。子產曰：昔高辛氏有二子，伯曰實沈，仲曰實沈，居於曠林，不相能也，日尋干戈，以相征討，后帝不臧，遷鬲伯於商，立主辰，商人因之，故辰為商星，實沈於大夏，主參，唐人是因以服事夏商，其季卅日，唐叔虞當武王邑姜方震，大叔虞夢謂已，余命而子曰：虞將與之唐，屬諸參而蕃，育其子孫，及生有文在其手，曰：虞遂，以命之。及成，王滅唐而封太叔焉，故參為晉星。士贇曰：曹植詩：倉卒骨肉情，漢書：燕王旦曰：今王骨肉至親，蘇武詩：骨肉緣枝葉，結交亦相因。李善曰：骨肉謂兄弟也。揚雄長楊賦曰：天兵四臨，孤竹延陵讓國，揚名高風，緬貌顏波激清。

齊賢曰：史記：伯夷、叔齊、孤竹君之二子也。父欲立叔齊，及而逃之，國人立其中子。史：世家：吳二十五年，王壽夢卒，壽夢有子四人，長曰諸樊，次曰餘祭，次曰餘昧，次曰季札。季札賢而壽夢欲立之。

季札讓不可於是，乃立長子諸樊。攝事當國王，諸樊元年，諸樊已除喪，讓位季札。季札謝曰：曹宣公之卒也，諸侯與曹人，不義，曹君將立子臧，子臧去之，以成曹君君子之能守節矣。君義嗣，誰敢干君有國，非吾節也。札雖不才，願附於子臧之義。吳人固欲立之，季札棄其室而耕，乃舍之。王諸樊卒，有命授弟餘祭，祭欲傳以次，必致國於季札，而止。以稱先王壽夢之意。且嘉季札之義，兄弟皆欲致國於季札，而季札封於延陵，故號曰延陵季子。韋昭注：國語曰：緬猶逸也。

尺布

之謠塞耳不能聽。

齊賢曰：史：文時淮南厲王長犯不軌，徙蜀布尚可縫一斗粟，尚可春兄第二人不相容，上聞之，乃嘆曰：堯舜放逐骨肉，周公殺管蔡，天下稱聖，何者不以私害公。天下宜以我貪淮南王地邪，乃徙城陽王王淮南，故城而追尊，蓋淮南王為厲王。士贇曰：此篇主意全在孤竹延陵讓國揚名尺布之謠塞耳不能聽數句。非必然之作，蓋當時有所風刺，以唐史至德間事考之，其為啖廷瑤李成式皇甫侁輩受肅宗風旨以謀激永王璘之反而執殺之太白日擊其時事，故作是詩歟。

春日行

士贇曰：春日行者時，景二十五曲之一也。

深宮高樓入紫清，金作蛟龍般繡楹。佳人當牕弄白

日絃，將手語彈鳴箏。

齊賢曰：王帝吟曰：上景發晨暉，金宵鬱紫清，楚辭：秋素箏而彈徵。士贇曰：鮑照詩：鳳

樓十二重四戶八綺總繡角金蓮花柱柱玉盤龍古詩燕趙多佳人
美者顏如玉被服羅衣裳富戶理清曲古詩盈盈樓上女皎皎當牕
響新聲妙入神

春風吹落君王耳此曲乃是昇天行

因出天池汎蓬瀛樓臺颯沓波浪驚齊賢曰鮑明遠樂府有升天行蓬瀛蓬萊

蓬萊方丈瀛洲壺梁象海中神山士贊曰選古詩誰能歌此曲樂府升天行鮑照作言學仙

三千雙蛾獻歌笑搗鐺考鼓宮殿

傾萬姓聚舞歌太平我無為人自寧齊賢曰雙蛾蛾眉也後漢彌衡搗鐺考鼓老子

曰我無為民自正士贊曰莊子獻笑不及排詩云子有鐘鼓弗鼓弗考書萬姓悅服詩既醉太平也醉酒飽德人人有士君子之行焉莊

子曰鼓歌以舞之又曰故君子不得已而臨蒞天下莫若無為無為也而後安其性命之情董仲舒策制曰虞舜之時游於巖廊之上垂拱無為而天下太平

三十六帝欲相迎仙人飄翩下雲軒帝不去

留鍋京齊賢曰太白送權十一序曰吾素受寶訣為三十六帝之

乃三十六天帝君也見道書詩文王有聲編京辟雍注云武王作邑於鍋京

安能為軒轅獨往入

宵冥小臣拜獻南山壽陛下萬古垂鴻名齊賢曰軒轅黃帝名帝鑄

鼎成乘龍上天宵冥宵冥也毛詩如南山之壽不騫不崩士贊曰新子黃帝聞廣成子在崆峒之上往見之問至道之精廣成子曰我為

汝遂於大明之上矣至彼至陽之原也為汝入於宵冥之門也至彼至陰之原也禮記小臣廉司馬相如封禪書前出所以永保鴻名而

常為稱首

前有樽酒行士贊曰前有樽酒行者即樂府

春風東來忽相過金樽綠酒生微波波落花紛紛稍覺

多美人欲醉朱顏酡齊賢曰江文通詩金樽坐含霜曹子建樂

曰飛輕軒而酌綠醪湘州記湘州臨水縣有醪湖取水為酒宋玉招魂曰美人既醉朱顏酡士贊曰鮑照詩春風太多情謝靈運詩金樽

盈清醪盛弘之荆川記曰綠水出豫章郡康樂縣其間鳥程鄉有井官取水為酒與湘東鄭湖年常獻之世稱醪醪酒鮑照詩暉暉朱顏

酡醪醪醪而面赭曰酡

青軒桃李能幾何流光欺人忽蹉跎齊賢曰

詩良遊常蹉跎士贊曰江淹詩桃李與李芳嬌上春逸詩人壽幾何曹操詩對酒當歌人生幾何選古詩流光正徘徊世說周處嘆曰年已

蹉跎君起舞日西夕當年意氣不肯平白髮如絲嘆何

益士贊曰漢書酒酣上自高歌起舞又莊舞項伯亦起舞祖逖傳劉琨因起舞詩云日之夕矣漢書李廣意氣自如臣衡傳曰意氣未

能平也古詩
虛名復何益

其二

琴奏龍門之綠桐玉壺美酒清若空

齊賢曰九域志龍門縣在河東中府東北百

入十里夜乘七發曰龍門之桐高百尺而無枝使琴擊斫斬以為琴注擊師擊選詩清如玉壺冰士贊曰周禮大司樂龍門之琴於宗廟中奏之詩云清酒百壺曹植詩美酒斗十千催絃拂柱與君飲看朱成碧顏始

紅士贊曰侯瑾箏賦急絃促柱變調改曲鮑照詩催絃急管為君舞胡姬貌如花當盧笑春

風笑春風舞羅衣君今不醉將安歸

齊賢曰古樂府胡姬年十五春日獨當壚

漢司馬相如傳卓文君奔相如與俱之臨邛盡賣車騎買酒賣乃令文君當壚師古曰賣酒之處以土為壚居酒舍四邊隆起其一而高形似殿廬俗學者皆謂當壚為對温酒火盧失其義矣詩厭厭夜飲不醉無歸士贊曰神女賦須臾之間美貌橫生燁乎如花温乎如瑩曹植詩羅衣何飄飄洛神賦被羅衣之璀璨兮古詩被服羅衣裳當戶理清曲漢書息夫躬絕命辭玄雲决鬱將安歸晉謝安曰如此將安歸

夜坐吟

士贊曰夜坐吟者樂府時景二十五曲之一也

冬夜夜寒覺夜長沉吟夕坐坐北堂

齊賢曰傷歌行曰憂人不能寐耿耿夜何

長謝惠連詩沉吟為爾感詩焉得謾草言樹之背注背北堂也士贊曰古詩天寒知夜長曹操詩沉吟至今冰合井泉

月入閨金釭青凝照悲啼金釭滅啼轉多掩妾淚聽

君歌齊賢曰釭古雙切西都賦金釭銜壁漢書孝成趙皇后弟為昭儀居昭陽殿其壁帶往往為黃金釭函藍田璧士贊曰鮑照詩軍井冰畫結土馬籠夜重西都賦註呂延濟曰金釭燈蓋也蒲岳笙賦衆滿堂而飲酒獨向隅而掩淚歌有聲妾

有情情聲入耳兩無違士贊曰詩大序嗟嘆之不足故歌之求發於聲聲成文謂之音語一語不入意從君萬曲梁塵飛

齊賢曰陸士衡擬古再唱梁塵飛七畧云漢興魯人虞興善雅歌發聲盡動梁上塵士贊曰鮑照詩萬曲不關心一曲動情多欲知情厚傳更聽此聲過前有樽酒行夜坐吟三篇鮑照樂府白紵詞體也老杜所謂俊逸鮑參軍者是矣

野田黃雀行

士贊曰王僧虔技錄相和歌瑟調二十八曲內有野田黃雀行乃晉樂奏也晉曰伯

益言赤鳥銜書有周以與今聖皇受命神雀來也雀一作爵

遊莫逐炎洲翠棲莫近吳宮燕吳宮火起焚巢窠炎

洲逐翠遭網羅

齊賢曰吳都賦翡翠列巢以重行注翡翠巢於出交趾鬱林郡六帖云秦始皇時吳宮守吏以火照燕巢因燒吳宮東方朔十洲記云炎洲在南海中二千里去北岸九萬里有火林山鄭康成曰獸罟曰罟罟曰羅網士贊曰郭璞翠雀鵲鳥越在南海外不供用肉不足宰懷璧其罪賈害以采越絕書外傳記吳地傳西宮在長秋周一里二十六步秦始皇帝十一年守蕭條兩宮者照燕失火燒之鮑照詩曰猶勝吳宮燕無罪得焚巢

翅蓬蒿下縱有鷹鷂亦若何

齊賢曰莊子斥鷃騰躍而上不雅鷹鷂之逐鳥雀也史項羽詩曰虞兮虞兮奈若何

篋篋謠

齊賢曰古今注篋篋引者朝鮮律卒霍里子高妻麗玉所作士贊曰琴操五十七曲九引內有篋篋引亦曰公無渡河亦曰篋篋謠太白此詞用其名

樊天莫登龍走山草騎虎

士贊曰楚辭攀夫階而下視東漢皇石紀夢攀天而上小臣攀龍而

有嚴陵及光武

齊賢曰宋弘曰貧賤之交不可忘翟公曰一貴餘姚人少與光武同游學及光武即位光乃變姓名隱身不見帝思其賢乃令以物色訪之後齊國上言有一男子披羊裘釣澤中帝疑

貴賤結交心不移唯

其光乃備安車玄纁遣使聘之三反而不至車駕即日幸其第光臥不起帝即其卧所撫光腹曰咄咄子陵不可相助為理邪光乃張目熟視曰昔唐堯著德巢父洗耳士固有志何至相迫乎帝曰子陵我竟不能下汝邪於是升輿嘆息而去復引光入論道故舊相對累日帝從容問光曰朕何如昔時對曰陛下差增於性因共偃卧光以足加帝腹上明日太史奏客星犯御座甚急帝笑曰朕故人嚴子陵共卧耳除為諫議大夫不屈乃耕於富春山後人名其釣處為嚴陵灘焉士贊曰王粲詩人生各有志終不為此移周公稱

大聖管蔡寧相容

齊賢曰武王同母兄弟十人母曰太妣文王次周公曰次蔡叔度次曹叔振鐸次成叔武次霍叔處次康叔封次

漢謠一斗粟不與淮南春

齊賢曰漢文

兄弟尚路人吾心安所從他人方寸閒山海幾

千重

齊賢曰徐無曰本與將軍圖霸王之業者以此方寸地耳士贊曰蘇武詩四海皆兄弟誰為行路人曹植求通親親表曰

輕言託朋友對面九疑峯開

花必早落桃李不如松

齊賢曰九疑峯見前注荀卿子曰桃李實於一時時至而後發至於松

於經隆冬而不彫家霜雪
而不變可謂得其真矣
管鮑父已死何人斷其蹤
齊賢曰史記曰
管仲少時與鮑叔牙游叔終善貧之管仲曰吾始困嘗與鮑叔賈分
財利多自與鮑叔不以我為愚知我貧也吾嘗與鮑叔謀事而更窮
困鮑叔不以我為愚知我時有利不利也吾嘗三仕三見逐於君鮑
叔不以我為不肖知我不遭時也吾嘗三戰三走鮑叔不以我為怯
知我有老母也公子糾敗召忽死之吾幽囚受辱鮑叔不以我為無
恥知我不羞小節而恥功名不顯於天下也生我者父母知我者鮑
子也鮑叔既死管仲以身下之不
多管仲之賢而多鮑叔能知人

雉朝飛

齊賢曰古今注曰雉朝飛者懷牧子所作也齊
桓士恨宣年五十無妻出新於野見雉雌雄相
隨而飛意動心悲乃作雉朝飛之操以自傷士賢曰琴
操世言齊宣王時桓士懷牧子作也年七十無妻採薪
於野見雉雌雄相飛乃仰天而嘆曰聖王在上恩及草
木鳥獸而我不獲因援琴而歌其聲中絕魏武帝有宮
人盧女者陰叔之妹七歲入漢宮學鼓琴琴特鳴異為
新聲能傳此曲至魏明帝出降為尹更生妻放得此聲
不絕按揚雉琴請英曰雉朝飛操者衛女傅母之所作
也衛女嫁於齊太子中道聞太子死問傅母曰且往當
喪喪畢不肯歸終之以死傅母悔之取女所自操琴於
冢上鼓之忽二雉俱出墓中傅母撫雉曰女果為雉邪
言未畢俱飛而起不見所往傅母悲痛援琴作操曰雉
朝飛據雉所記與思歸操之言相類恐是訛易今太白

所作亦但祖續牧子事韓昌黎亦然無述雉之
說者但韓集續牧子作牧續耳恐傳寫之訛

麥隴青青二月時白雉朝飛挾兩雌

齊賢曰枚乘七發伯
子牙歌云麥秀勃
雉朝飛卑蒼曰蘄麥芒慈斂切選詩麥隴多秀色射雉賦麥漸漸以
擢芒雉鷺鷥而朝雉鷺鷥綺翼而積過灼繡頸而袞背徐爰曰逆羣雉
異之雉不但欲擅一場又挾兩雌也士賢曰莊子逸詩曰青鳥之麥
生於陵陂續漢書成帝時童謠曰小麥青青大麥枯雉岳射雉賦擅
揚挾兩採雌如異鮑照詩雉
朝飛振羽翼專場挾兩雌

感之悲春天和白日暖啄食飲泉勇氣滿爭雄聞死

繡頸斷
齊賢曰莊子澤雉十步一啄百步一飲王賢曰潘岳射雉
雉賦灼綉頸而袞背鮑照朝飛詩勿綉頸碎錦臆

子班奏急管絃傾心酒美盡玉椀

齊賢曰樂府有雉子班
曲士賢曰鮑照詩催絃

君舞 枯楊枯楊爾生梯我獨七十而孤棲彈絃寫

齊賢曰易曰枯楊生稊老夫得其女
妻無不利鄭康成曰美與梯同徒稽

恨意不盡瞋目歸黃泥

齊賢曰易曰枯楊生稊老夫得其女
妻無不利鄭康成曰美與梯同徒稽

上雲樂

齊賢曰梁周捨上雲樂曰西方老胡厥名又康
士賢曰樂府神仙二十一曲中有

切繫辭曰言不盡意
德理詩身殞况黃泥

洛濱

金天之西白日所沒齊賢曰西方曰吳天許慎曰吳白也西方金色白故曰吳也又西方金也其帝少昊許慎曰少昊黃帝之子青陽也以金德王號曰金天氏死託祀於白帝康老胡雛

生彼月窟巉巖容儀成削風骨齊賢曰石勒年十四隨邑人行賂洛陽衙門

王衍見而異之謂左右曰向者胡雛吾觀其聲視有奇志恐將為天下之患馳遣收之會勸已去長楊賦曰西歷月窟巉巖高聳貌成削清臞貌士贊曰莊子太山巉巖陸士衡詩窈窕多容儀司馬相如子虛賦粉粉袿袿揚旌成削張揖註曰成削裁制貌通鑑晉安帝紀王義之風骨清舉上林賦曳獨爾之輪神妙闕易以成削郭璞註曰成削言刻畫作之也宋孝武紀曰風骨瞻視非常士也宋高祖紀曰身長七尺六寸風骨奇偉同上桓

兩鬢紅華蓋垂下睫高嶽臨上唇不覩詭譎貌豈知

造化神齊賢曰碧玉足足言眼色碧而有光比慶瑣言孝德國人眉為華蓋其眉長覆目鼻為中嶽其鼻大道是文康之嚴父

元氣乃文康之老親齊賢曰莊子道與之貌天與之形士贊曰老子曰有物混成先天地生寂兮寥

兮獨立而後改周行而不殆可以為天下母吾不知其名字之曰道晉孫楚石人銘曰大象無形元氣為母昔者陶治衆有白虎通曰地者元氣生撫頂弄盤古推車轉天輪齊賢曰徐整三五萬物之祖也雞子盤古生其中萬八千歲天地開闢陽清為天陰濁為地盤古在其中一日九變神於天聖於地天日高一丈盤古日長一丈如此萬八千歲天數極高地數極深盤古極長後乃有三皇數起於一立於三成於五盛於七處於九故天地九萬里木華海賦狀如天輪呂氏春秋天地如車輪終則復始高誘曰輪轉也云見日月初生時鑄冶火精與水

銀陽鳥未出谷顧兔半藏身齊賢曰火精日也水銀月也春有三足鳥者陽精也尚書宅嵎夷曰暘谷也原天問曰夜光何德死則又盲厥利維何而顧兔在腹注夜光月也士贊曰淮南子天文訓積陽之熱氣生火火氣之精者為日積陰之寒氣為水水氣之精者為月廣雅曰日一名陽鳥女媧戲黃土團

作愚下人散在六合閒濛濛若沙塵生死了不盡誰

明此胡是仙真齊賢曰山海經女媧之腸化為神處粟廣之野化為此神淮南子曰黃帝生陰陽上駢生耳目桑麻生臂手此女媧所以七十化也士贊曰此句乃女媧鍊石補天缺之推耳淮南子道者舒之慎於六合謝靈運詩河洲多沙塵西海栽若木東溟植扶桑別來幾

時枝葉萬里長

齊賢曰山海經曰灰野之山有樹青葉赤花名曰若木在建木西未有十日其華照下地東方朔十洲記扶桑在碧海中葉似桑長數千丈大二千圍山海經黑齒之北曰暘谷九日居下枝一日居上枝戴鳥郭璞曰扶桑也天有十日日出暘谷在陽南子地形訓扶木在陽州日之所曠詩慎曰扶木扶桑也在陽谷南方也

中國有七聖半路類洪荒

齊賢曰莊子黃帝將見大禹于具茨山方明為御昌寓驂乘張若謂朋前馬昆鬪滑籍後車至于襄城之野七聖皆迷無所問途適遇牧馬童子問塗焉士贊曰揚子鴻荒之世聖人惡之

陛下應運起龍飛入咸陽赤眉立盆子白水興漢光

齊賢曰秦都咸陽即京兆府咸陽縣也漢樊崇起兵於莒王莽遣廉丹擊之崇等欲戰恐其眾與莽兵亂乃皆朱其眉以相別由是號赤眉西攻長安求劉氏後得城陽王章之後盆子立為帝東觀漢記曰長沙定王中子買封春陵侯節侯侯生戴侯戴侯生考侯以春陵地勢下濕上書願徙南陽守墳墓元帝許之徙封南陽白水鄉九域志白水隸鄧州東京賦龍飛白水是也士贊曰東漢光武本紀論曰王莽篡位是惡劉氏以錢文有金刀故改吐咤四海動洪濤為為貨泉或以貨泉字文為白水真人

簸揚舉足踏紫微天關自開張

齊賢曰韓信曰項王啗嚙揚之糠粃在前天文志紫微大帝所居北斗第一星曰天關子贊曰仲長統傳曰豈可鞭笞叱咤惟我所為者乎天關見一卷注

胡感至德東來進仙倡五色師子九苞鳳凰是老胡

雞犬鳴舞飛帝鄉淋漓颯沓進退成行

齊賢曰梁周捨老胡家雞師子是老胡家狗漢烏弋山離國出師子孟康注師子以虎正黃有鬚形尾端茸毛大如斗形音而形類旁毛師古曰即爾雅俊狁也博物志魏武伐踰頓經白狼山逢師子格之師子哮咆左右咸驚忽一物從林中出如狸超上王車輒其師子將至此物跳上其頭師子伏不敢起遂殺之得其一子還未至洛陽三十里路中雞犬皆伏無鳴吠者士贊曰後漢章和元年安息國獻師子形似麟而無角唐太宗時西域康居國獻師子帝珍其遠命虞出南作賦山海經丹穴之山有鳥狀如鶴五色而文名曰九苞鳳見則天下安寧瑞應圖鳳凰者仁鳥也雄曰鳳雌曰凰莊子乘彼白雲能胡歌獻漢至于帝鄉傳毅舞賦颯沓合并鮑照詩颯沓矜顧

酒跪雙膝立兩肘散花指天舉素手拜龍顏獻聖壽

齊賢曰維摩詰經云會中有一天女以天花散諸菩薩大弟子上至諸菩薩悉皆墮落至大弟子便著不墮於是一切弟子皆以神力去花終不能去士贊曰此數句模寫其一時之威儀舉措耳釋迦語云菩薩示生時墮蓮花上自行七步舉其右手作師子吼曰天上天下唯我獨尊此情用其事以形容老胡之狀也漢高純隆准子而龍顏莊子華封人請祝聖人壽

天子九九八十一萬歲長傾萬歲杯

齊賢曰詩云如南山之壽不騫不崩梁周

北斗戾南山摧

拾上雲樂曰願明陛下
壽千萬歲歡樂未渠央

夷則格上白鳩拂舞辭

齊賢曰唐禮樂志曰白鳩拂舞曲也王寶曰拂舞歌五曲有白鳩篇亦曰白鳩舞以其歌且舞也亦入清商曲按晉湯武舞序云自到江南見白符舞符即白也白是舞即白鳩舞也白是之辭出於吳本歌云平平白是思我君惠集我金堂謂晉為金德吳人患孫皓虐政而思從晉也然碣石章又出於魏武則知拂舞五篇並晉人採集亡國之前所作惟白是不用吳舊歌而更作之命曰白鳩篇

鏗鳴鐘考朗鼓

齊賢曰鏗華鐘楚辭注鏗撞也考擊也王寶曰詩云子有鐘鼓弗鼓弗考

引拂舞

齊賢曰白鳩戶鳩之白者樂書曰考前史拂舞歌詩有白鳩齊獨鹿碣石淮南王五篇並施殿庭蓋出自江左驗其歌皆非吳辭也舊謂之吳舞觀揚州序拂舞自到江南見白是舞或言白是鳩舞云有此來數十年矣察其辭自豈吳人患孫皓虐政而思屬晉邪

能平均食不噎性安馴

齊賢曰毛詩鳴鳩刺不噎也其一章云鳴鳩在桑其子七兮毛萇曰鳴鳩結翰也鳴鳩之養其子朝從上下莫從下上平均如一曹子建責躬表曰七子均養者鳴鳩之仁鳩不噎之鳥王寶曰孟子云白羽之白

歎首農政鳴陽春天子刻玉杖鏤形賜耆人

齊賢曰月鳴鳩拂其羽鄭玄注鳴鳩飛且翼相擊趨農急也又曰鳩搏穀也左氏郊子曰祝鳩氏司徒也鳩鳩氏司馬也鳩鳩氏司空也鳩鳩氏司寇也鳩鳩氏司事也五鳩鳩氏者也杜預注鳩鳩平均故為司空平水土後漢禮儀志仲秋之月縣道皆按戶比民年七十者授之以玉杖輔之以糜粥八十九十禮有加賜玉杖長尺

端以鳩鳥為飾鳩者不噎之鳥也欲老人不噎

白鷺之白非

純真外潔其色心匪仁闕五德無司晨胡為啄我段

下之紫鱗鷹鷂鷓鴣貪而好殺鳳凰雖大聖不願以

為臣

齊賢曰莊子鷺不日浴而白韓詩外傳曰鷺曰雞戴冠文也足持距武也見敵而鬪勇也得食相呼義也鳴不失時信也雞有五德君猶烹而食之劉孝標演連珠曰雞善司晨雖陰晦而不輟其鳴爾雅葭蘆也郭璞曰葦也王寶曰蜀志楊顯曰雞主司晨

日出入行

王寶曰日出入行即樂府時景二十一曲之一日出行也

日出東方隈似從地底來歷天又入海六龍所舍安

在哉

齊賢曰天問曰隈多指其數爾雅屋內為隈外為隈淮南子曰爰止義和爰息六螭是謂懸車注曰日乘車駕以六龍義和御之日至此而薄於虞淵義和至此而迴天問曰角宿未旦曜靈安藏注東方未明是時日安所藏其精光乎王寶曰莊子曰

出於東方入於西極文中子曰出於地萬物蕃息易時乘六龍以御
天晉傳玄日昇歌義和初攬轡六龍並騰驥阮籍詩梁王安在哉

其始與終古不息人非元氣安得與之夕徘徊草不

謝榮於春風木不烈落於秋天誰揮鞭策驅四運萬

物興歎皆自然齊賢曰易曰天行健君子以自強不息莊子夫

玄注周禮曰終古猶言常也司馬彪氣母元氣之母易疏曰太極謂

天地未分之前元氣混而為一昃太初太一也前漢律歷志曰太極

運三辰五星於上而元氣轉三統五行於下春秋迭運草木自榮自

落何謝何然潘安仁詩曰四運紛可喜士贇曰選仲春令月百草滋

榮宋玉九辯秋之為氣也草木黃落而變衰淮南子電義和義和

以為鞭策四運四時之運也老子曰天法道道法自然義和義和

汝奚汨沒於荒淫之波魯陽何德駐景揮戈逆道違

天矯誣實多齊賢曰山海經曰東南海外有羲和之國有女子

始生主日月者也故堯因是立羲和之官以立四時淮南子曰魯陽

公與韓暹戰酣日暮援戈而揮之日為之反三舍九域志汝州魯陽

關即魯陽公揮戈退日處尚書矯誣上天士贇曰廣雅曰御曰義和

阮籍詩朝雲進荒淫王充論衡曰陽公揮戈事虛言也白詩蓋祖此

詩云志我實多吾將囊括大塊浩然與溟滓同科齊賢曰賈誼過

秦論曰囊括四

海莊子大塊噫氣郭象注大塊者無物也帝系譜曰天地初起溟滓

鴻濛莊子若然者豈見堯舜之教民溟滓然弟之哉郭象注溟滓甚

貴之謂也士贇曰易括囊無咎莊子徐無鬼篇黃帝將見太隗于具

茨之山注云大隗大道也在宥篇雲將曰吾遇天難願聞一言鴻濛

曰噫心養汝徒處無為而物自化墮爾形體吐爾聰明倫倫與物志

大同乎溟滓解心釋神莫然無竟萬物云云各復其根名復其根而

不知混混沌沌終身不離若彼知之乃是離之無問其名無問其情

物固自生溟滓可馬彪云自然元氣也此篇大意全在祖莊子內雲

將鴻濛問答之意語多不能盡錄試索觀之則見矣謂日月

之運行萬物之生息皆元氣之自然人力不能與乎其間也

胡無人士贇曰王僧虔技錄相和歌

嚴風吹霜海草凋筋幹精堅胡馬驕齊賢曰出自前北門

陣精且強注竿箭幹公曰切士贇曰梁元帝纂要冬月厲風嚴風寒

周禮冬官凡為弓冬折幹而春液角夏治筋秋合三材寒莫體冰折

嚴鮑照詩胡馬依北風漢家戰士三十萬將軍兼領霍雲姚

聖古詩胡馬依北風漢家戰士三十萬將軍兼領霍雲姚

齊賢曰史記關頭之役漢馬十萬騎負私從馬九十四萬匹狼重不

與焉朔方之巡武帝勒兵十八萬騎以見武節使郭吉風告單于此

漢兵至盛也亦未至三十萬而大白云爾豈合步騎言乎抑詩祿山

之師自有三十萬乎漢書大將軍受詔予壯士為票姚校尉於是上

曰票姚校尉去病斬首捕虜二千二十八級封去病為冠軍侯服虔

音飄搖師古曰票匹妙切姚羊召切票姚勁疾之貌荀悅漢紀休票

鷓鴣字去病後為票騎將軍尚票姚之字耳今讀書者音飄搖不當其義詩人限於韻既有二音姑從其一士贊曰票姚字音翳見第五卷

塞下曲第三
流星白羽腰間插 劍花秋蓮光出匣
孔璋賦曰飛兔流星注言疾也家語曰白羽若月上林賦曰鸞翮弱

首末句下註
蕭白羽王贊曰魏文帝論選選良金命彼國工精而鍊之倅以清

百里六釘矣越春秋秦客薛燭善相劍吳王取純鈞示之薛曰光乎

如芙蓉始生其紋如星行其光如波溢於唐郭

元振劍歌琉璃匣裏吐蓮花錯鏤金環生明月

天兵照雪下玉

關虜箭如沙射金甲
齊賢曰唐武德二年折甘州之福祿瓜州

沒吐蕃因其地置玉門軍士贊曰西域高昌傳正觀四年侯君集討

定高昌先是國謠曰高昌兵如霜雪唐家兵如日月日月照霜雪幾

何不殄滅東漢西域論曰臨西海以望大秦拒玉門陽關者

四萬餘里靡不周盡焉又城宮論閉玉關以謝西域之質

雲龍

風虎畫交回大白入月敵可摧 旄頭滅
齊賢曰

雲從龍風從虎西陽雜俎曰太白聞祿山反作胡無人詩曰太白入

月敵可摧祿山死日果見太白食月史記天官書旄頭胡星也士贊

曰此詩必作於上元之間據太史之占而言也按唐書天文志上元

元年五月癸丑月掩昴占曰胡王死三年建子月癸巳月掩昴出昴

北八月丁卯又掩昴後漢天文志曰太白主奎婁胃昂畢觜參又主

邊兵又晉天文志曰昴七星又為旄頭胡星李白統言之以太白也

自茲數年之後安史相繼滅亡恢復

兩京即此詩而驗諸史蓋可知矣

復胡之腸涉胡血懸胡

青天上埋胡紫塞傍
齊賢曰崔豹古今注秦築長城土色皆紫

野人之用兵鼓聲則似雷號呼則動地塵氣充天流矢如雨扶傷舉

死復腸涉血無罪之民其死者已量於澤矣而國之存亡主之生死

猶未可知也其離仁義則遠矣或曰紫塞者山

山有紫壇城傍有草草生紫色故曰紫塞

胡無人漢道昌

士贊曰左傳子母謂秦無人漢又叙傳曰登我漢道武帝制曰復明

復昌之道詩至漢道昌一篇之意已足陛下之壽二千霜但歌大風

雲飛揚安用猛士方守四方一本云無此三句者其也便蘇子由見

之必不肯輕致不識理之謂矣東坡云今太白集之有悲來乎笑矣

乎及贈懷素草書數詩決非太白作蓋唐末五代間齊已輩詩也僕

亦曰此詩末後三句安知非此輩所增乎致使太白貽譏於數百載

之後惜哉雖然東坡能辨之類續直致譏焉是亦足以定

二蘇之優劣今遂刪去後人具正法眼藏者必蒙賞音

北風行
士贊曰樂府有時景二

燭龍棲寒門光曜猶旦開 日月照之何不及此 唯有

北風號怒天上來
齊賢曰淮南子燭龍在鴈門北蔽于委羽之

山不見日其神人面龍身而無足注龍銜燭

以照太陽身長千里視為晝暝為夜吹為冬呼為夏又曰八紘之外

又有八極北極之山曰寒門積寒所在故曰寒門天問曰日安不

到燭諸何照齊書曰山海經鐘山之神名曰燭陰視為晝暝為夜吹為冬呼為夏身長千里人面蛇身赤色又名燭龍天不足西北無陰陽消息故有龍銜燕山雪花大如席片片吹落軒轅臺
火精以照天明也唐地志幽州范陽郡幽都縣武德元年曰燕州屬州本北燕州宋人明中元日雪花降殿庭右將軍謝莊下殿雪集衣白上以為嘉瑞軒轅黃帝名黃帝與蚩尤戰于涿鹿之野應劭曰在漢上谷郡涿鹿縣王贊曰韓詩外傳凡草木花多五出雪花獨六出惟南子地形訓份出燕京注曰燕京山名也在太原份陽份水所出幽州思婦十
西南至份陽冀州侵史五帝紀黃帝居軒轅之丘

二月停歌罷笑雙蛾摧倚門望行人念君長城苦寒

良可哀別時提劍救邊去遺此虎紋金鞞鞍中有二

雙白羽箭蜘蛛結網生塵埃齊賢曰王景元詩思婦臨高臺雙蛾蛾眉也戰國策齊王孫賈

母謂賈曰汝朝出而晚來則吾倚門而望暮出而不還則吾倚廬而望陸士衡從軍行曰苦哉遠征人北戍長城阿苦寒行曰劇哉行役人廉慊常苦寒史記高祖曰吾提三尺劍取天下出自蒟門行曰分兵救朔方鞞鞞箭藏也家語白羽若月張景陽詩蜘蛛網四壁土贊曰史五帝紀鞞鞞十有二州注馬融曰禹平水土置九州舜以冀州之北廣大分置并州燕齊遼遠分燕置幽州分齊為營州於是為十二州也長城事見前注鮑照箭空在人今戰死不復迴不詩留我一白羽將以分符竹

忍見此物焚之已成灰黃河捧土尚可塞北風雨雪

恨難裁齊賢曰朱浮責彭寵曰以漁陽結怨天下猶河濱之人捧死若始而灰已而土

俠客行十五曲中有俠客行

趙客綬胡纓吳鉤霜雪明齊賢曰莊子說劍篇趙太子曰吾

胡之纓短後之衣賔曰而語難吳越春秋吳王闔閭既寶莫邪復命於國中作金鉤令曰能為善鉤者賞之百金吳作鉤者其衆而有人貪王之重賞也殺其二子以血釁金遂成二鉤獻於闔閭諸宮門而求賞王曰為鉤者衆而子獨求賞何以異於衆夫子之鉤乎你鉤者曰吾之作鉤也貪而殺二子釁成二鉤王乃舉衆鉤示之何者是也王鉤甚多形體相類不知其所在於是鉤師向鉤而呼二子之名吳鳴甚稽我在此王不知汝之神也聲絕於口兩鉤俱飛着父之曾吳王大驚曰嗟夫寡人誠負於子乃賞百金遂服而不離身沈存中曰吳鉤刀名刀醫今銀鞍照白馬颯沓如流星齊賢曰徐敬南蠻用之曰葛藟刀飛兔流星注流星疾也士贊曰辛延年羽林郎詩金鞍陳孔璋戲曰飛兔流星注流星疾也士贊曰辛延年羽林郎詩銀鞍何煩煥江淹別賦龍馬銀鞍鮑照詩寶御紛沓燭鞍馬光照地李元七嘆曰神奔電驅星流十步殺一人千里不留行齊賢曰

矢驚別莫若益野騰駒也

陽吳王書曰兵不留行莊子說劍篇莊子以劍見王王曰子能禁制口臣之劍十步一人千里不留行王大悅曰天下無敵矣

事了拂衣去深藏身與名王贊曰江淹詩拂衣釋塵霧閑

過信陵飲脫劍膝前橫將炙啖朱亥持觴勸侯嬴三

杯吐然諾五嶽倒為輕眼花耳熱後意氣素霓生齊

曰史記魏公子無忌封信陵君魏有隱士曰侯嬴年七十為大梁夷門監者公子嘗置酒會客坐定從車騎自迎侯生曰臣有客在市屠

中願在車騎過之公子引車入市侯生下見其客朱亥脾脫故父立

公子顏色愈和侯生乃就車至家坐上坐酒酣公子起為壽罷酒侯

生謂公子曰朱亥賢者世莫能知故隱屠間耳史貫高為人能自立

然諾曹植詩季布重然諾楊惲書酒後耳熱拊缶而呼烏烏王贊曰

史記游俠傳曰布衣之徒設取與然諾千里誦義死不顧此亦有

所長非苟而已史大史公曰人固有一死有重於泰山有輕於鴻毛

楚辭十鈞為輕盧諶書曰意氣之間靡軀不悔巽七啓

曰慷慨則氣成虹霓同馬相如大人賦垂絳幡之素霓救趙揮金

槌邯鄲先震驚千秋一壯士炬赫大梁城縱使俠骨

香不慙世上英上贊曰史魏公子無忌傳魏安釐王二十年秦

夫人數請救於魏魏王使將軍晉鄙將十萬衆救趙留軍壁鄴名為

牧趙實持兩端以觀望平原君使讓魏公子公子患之乃用侯生計

請知姬於王卧内竊虎符奪晉鄙軍使魏客朱亥袖四十斤鐵槌

殺晉鄙公子遂將其軍進擊秦軍秦軍解去遂救邯鄲有趙初公子

過謝疾生侯生曰臣宜從老不能請數公子行日以至晉鄙軍之日

北向自剄以送公子公子遂行至軍侯生果北向自剄詩云徐方震

驚爾雅赫兮烜兮威儀也郭璞註曰貌光宣陸

德明釋註曰烜者光明宣著今並作喧字音同

誰能書閣下白

首太玄經齊賢曰漢書楊雄傳雄校書天祿閣上又曰哀帝時丁

太玄有以自守泊如也王贊曰此詩似祖

鮑照詩閉幃草太玄茲事殆愚狂之意

分類補註李太白詩卷之三



